

三怡堂叢書

師竹堂集

四二

三拾家集

卷之三

三

師竹堂集卷之三

三怡堂叢書

汝南王祖嫡胤昌著

七言古詩

大閱歌 代中堂作

聖皇九載春三月三日吉歲豐民物和四海盡寧謐除戎
保泰舉舊章大閱師徒翠華出九旂七翠列轅門肅道清
塵迓至尊鼓角乘春晴旭暖旌旗拂曙瑞雲屯瑞雲晴旭
山川映一語不譁聽號令魚麗鵝鶴倏縱橫虎翼蛇盤寓
奇正組練森森霜雪明砲火轟轟電雷震閱罷連營集射
夫三三比耦爭鳴弧降胡慣使雕翎箭猛將咸彎金僕姑

百步穿楊誇命中觀者如堵皆歡呼復有六郡良家子少
年結客沙場裏耀日銀鞍萬馬騰衝星寶劍雙龍起自許
橫戈出玉關還思仗鉞摩胡壘一時列隊羨鷹揚衛霍當
年想如此單于使者來闕庭亦隨耄穉觀郊垌觀之未竟
已褫魄稽顙指欽威靈欽威靈讐神武英風雄姿符
烈祖萬全制勝本帝王五材並用同今古都城父老兢焚
香欣欣相告頌維揚已挽天河爲雨露即看沙磧變農桑
謀臣不用談三策猛士何須守四方八表梯航趨禹會兩
階干羽坐明堂稽首共獻大闕歌車攻吉日詎足多金甌
玉燭綿千祀願慎佳兵繹止戈

謁陵篇

太行蜿蜒極漠野勢如雲際馳天馬海外十洲未足奇寰
中五嶽風斯下清寧融結神京北崑崙萬里來龍脉疊嶂
層巒羅四圍晴空幻出芙蓉色天造佳城輦帝圖九陵相
望列仙都玄宮五夜輝珠葆碧巘山秋闕玉襦玉襦珠葆
愴皇情春祀叨倍展謁行才渡沙河精爽越鬱葱佳氣接
昌平璇題寶楔紅門路異境霏微散香霧寢殿中宵簪珮
趨明樓晴日風雷護瑤草琪花徑轉幽靈區無地不丹丘
泉飛萬壑寒堪浥嵐濕千山翠欲流小臣前歲使關中秦
漢諸陵一望通石盡南山殫地利樹依北斗象天工下陳

遙想三千盛天府徒誇百二雄落日逢人尋往蹟咸陽原
上但悲風不獨繁華易消歇由來福地種明德不然開闢
有此山胡爲靈秀今始發華表嶙峋碣石尊鼎湖縈繞桑
乾澈豐碑龍篆並乾坤長隧魚燈明日月祠官禮竣扁原
廟炬焰星光明遠嶠複道淒淒犀象閒陰崖颯颯鼙鼙嘯
瞻眺低徊夜已闌空山風急不勝寒壯遊自詫航玄攬此
地方知是大觀高厚難忘列聖恩餘生何日謁陵門汀洲
極目迷芳芷回首蒼梧欲斷魂

駕幸石景山觀渾河洶湧念黃河時有衝決諭輔臣

悉心經理仍命作詩紀之

白牛堂作

西成萬寶奏美利邊塞無塵閭閻遂宸游豈是玩物華要
識觀民省方意鑾輿時駐石景山渾河山下流潺湲洶湧
澎湃勢轉急恍如天漢傾人寰叢爾蹄涔尙如此矧伊長
河千萬里雷奔聲陋海門潮風狂險矢瞿塘決潰溢衝決
疇與爭忍視桑田任遷徙日日亟發水衡錢年年頻遣河
堤使聖懷軫念無時忘丁寧天語諄且詳得人經理乃要
務毋徒禹跡空茫茫微臣奉諭良震讐安居曷敢忽利涉
任勞恨不身負薪濟時每愧才非楫恭傳聖語懋司空協
謀殫力攄河工千艘穩渡桃花水億載常依匏子宮淵哉
吾皇濊澤深遐陬僻壤咸謳吟冲虛不喜河清頌惕厲真

同已溺心吁嗟萬事寧獨河涓涓不塞將奈何針芒蟻穴
恒圖細聖德神功永不磨

恭題成祖御馬應制

名駒產自渥洼濱隱隱頭角生虬鱗揚鬃萬馬盡辟易舉
足千里無纖塵遠來西極開疆土鄭村馳騁如彪虎流矢
中胸愈奮迅晨鳧紫燕何足數偉哉奇駿遺毫端不獨形
妙神亦完雄姿已令景略走生氣猶欲蹂呼韓恭玩良久
歎且愕乾坤再造頌清廟紀異徒誇天馬歌論功堪繪麒麟閣

石龍駒

嗟棗駟帝尤爲來
貺太乙目炯炯兮如懸鈴口噴
紅光沾汗赤應喧八駿
逢時何貴寰中遍轍跡嗟棗駟
靖疆場衝鋒不憚傷鳴
人臣食祿而愛身按圖內省寧
自釋嗟棗駟感疇昔小河故壘猶奕奕

右棗駟

曹霸丹青宛若生
曉霞閃閃照人明只今尙說白溝績漢
末空傳赤兔名異質爭看出祝融
曾從赤帝建奇功屬車
此日雖無用朽索兢兢軫聖衷

右赤兔

奉詔入直史館茶紀

維皇御極開昌運上下承休協信順萬幾餘暇澹無爲獨
喜縹緲師古訓緝熙聖學頌常新睿藻天章若有神造膝
時時咨碩輔沃心日日近儒臣儒臣需次希清燕咫尺塵
凡隔霄漢盛事驚傳白玉堂恩綸許直明光殿從來藝苑
豔瀛洲東觀石渠勝蹟留豈若吾皇勤化理賡歌千載興
同游微臣學術慚寡陋駑駘亦逐驂騑後顧影無能奮遠
途感恩不覺嘶天廐倚馬徒誇敏捷名雕蟲小技未須呈
區區忠孝平生志願竭涓埃答聖明

遼陽大捷聖諭指授成功賜文綺白金紀恩

代中堂作

遼陽劍士雄如虎摧鋒白戰無殘虜殺氣遙連立菟城威

聲遠讐黃龍府星馳露布奏神京東顧真寬拊髀情敢謂
發踪成偉績由來廟算仰天成立工不宰勞溫論文綺白
金重拜賜內帑光搖雪作姿天機瑞映雲爭麗臣心私擬
百鍊鋼寵服敬以什襲藏感恩忍作買山計圖報矢贊垂
衣皇辛苦不獨遼陽鎮佳兵好繹先民訓大賚時宣挾纊
仁務農解甲休邊郡

進講大寶箴擬柏梁體

欽哉惟辟宅高崇紛躋萬類咸帡幪勿謂宸極天體隆爲
君之難日忡忡寧以一人養寰中勿以天下養其躬禁奢
防佚欲靡攻左史右事識益充四時慘舒三光同聲律身

度臻和冲勿謂無知天至聰勿謂無害小易叢居僅容膝
誠瓊宮味取適口糟丘恫荒禽荒色鮮克終好音好貨民
困窮勿謂已尊傲或乘勿謂已賢諫弗容漢高大度文小
心欲軼美之罔弗恭冕旒蔽目視靡膏黜纘塞耳聽靡墜
欽哉箴詞治有功置之座右凜臨戎法言進講攄丹衷願
帝繹之虛懷從豈但貞觀相比隆

元夕同趙溟南館丈李秀巖環衛茅平仲朱汝修二

徵君集憲副劉仲修宅觀燈登臺望月醉而賦此

大王萬曆開新紀海隅寧謐謳歌起帝京自昔稱繁華況
遇元宵風物美六街雪霽淨車塵遙空雲斂澄潭水玉盤

冉冉碧波中羅襪盈盈明鏡裏
靈使風流自掩門
瑤箏錦瑟對金尊
鮫絲彩映魚龍戲
蛤粉光懸象馬奔
象馬魚龍渾未了
銀花絢爛湖山曉
脉脉分紅入夜卮
霏霏綴玉浮春沼
使君愛客更登臺
臺上還將醉眼開
如此良夜如此地
登高真愧大夫才
瓊樓咫尺擬天上
鳳膏燈外移仙仗

春宮萬戶夜珠圓
太乙靈光耿相向
使君勛業著西睡
解組歸來髻未絲
藝圃盛傳林月曲
劉孝綽有林下月影詩
歌工爭唱

竹枝詞

劉禹錫竹枝詞爲絕唱

逃名范老無人會
獨樂溫公每自期

公精舍春帖用二公事

招飲時留名嶽偈避喧常誦北山移
緬予幸

識荊州面唱酬
况復偕羣彥
陽春白雪和應難
良夜高人

重脊戀登高臺望故鄉故鄉此際樂未央明珠翠羽照瀲
水欲飛無翼川無梁嗟吁乎黃金築臺傳往昔茫茫平楚
成陳跡但願狂歌酒不空四時佳會皆元夕斗轉參橫月
已闌泠泠仙樂下瑤壇月中應奏霓裳曲直欲乘風上廣
寒

元夕燈市與同館諸丈暨劉玄子進士盛泰甫山人
小集因與呂蔡諸國手圍碁憶丁丑是夕同館會
此物故者七人矣愴然有懷

帝京元夕稱佳麗百年況際承平世天街晴暖月倍明人
海魚龍夜潮沸燈市連雲盡畫樓樓上珠簾不下鉤輕霧

暗消丹鳳襯香風遙襲紫貂裘綵棚火樹煥初春此時誰
不逐芳塵金張許史恣歡宴俠烈那知寄酒人酒人碁品
擅絕藝雄姿到處爭辟易同時國手集一堂何事揚州滯
小方吾家積薪遇仙姥授予秘訣非荒唐燈月交輝試數
局碁聲如金復如玉悠然遠韻隨天風清音何必絃與竹
追憶詞垣舊弟兄十年曾此共楸枰珠還合浦聊開抱笛
聽山陽亦愴情嗟我重來頭半白苜蓿齋中猶作客司業
雖貧饒酒錢爲君沽酒酌佳夕佳夕易去可奈何東流之
水無回波此時此會不爲樂唾壺擊碎徒悲歌

長安宮人行

行行重行行御溝春水清輕陰三月暮飛絮滿都城水畔
銷魂處一葉隨流去可憐此水無停波千里萬里迷烟樹
人生何事最堪悲女入掖庭男遠戍戍有歸期深宮無
見時不聞顏似玉但說髮成絲歲歲年年暗中度娥眉始
信從來妬感遇愁賡團扇篇攄幽漫擬長門賦先帝乘龍
去不迴夜深時望集靈臺鼎湖尙記遺弓處莫遂攀髯痛
若摧今皇御極承先志閒殺霓裳羽衣隊內庭傳制放宮
人點名各有金錢賜紛紛拜罷立丹墀似夢非真轉自疑
樊籠乍出雖心樂瑣闥初辭亦淚垂回首大明門門深似
玉恩鬱惹宮樹已不見况復依稀見至尊戕戕宮樣妝款

欵凌波步紅綃翡翠圍紫袖鴛鴦護長安東街親戚迎誰
無父母與弟兄車馬擁巷不得去不能辨貌但呼名水邊
樹影雜人影橋上歡聲閒哭聲我見此事長太息古人豔
麗領人國新政恒存節儉圖重譯窮荒歌聖德父老相談
武皇之初年倭倖權閹種種滋蠱惑后庭充斥不復御又
向民間選絕色遂令幽閼干天和旱蝗處處皆盜賊興亡
治亂古今同格心外此更無職我願吾皇躬立默慎終如
始無反側關雎之化軼成周乾健坤承立宸極客寄長安
愧傳食際時亦欲修羽翼醉歌燕市祝華封多福多男壽
千億